



**ЎЗБЕКИСТОН РЕСПУБЛИКАСИ**  
**ЎРМОН ХЎЖАЛИГИ ДАВЛАТ ҚЎМИТАСИ РАИСИНИНГ**  
**БУЙРУҒИ**

---

2022 йил “31” октябрь

191 - сонли

Тошкент в.

**Ўзбекистон Республикаси Президентининг 2022 йил 11 майдаги**  
**ПҚ-240-сонли қарори ижросини таъминлаш билан боғлиқ**  
**қўшимча чора-тадбирлар тўғрисида**

Ўзбекистон Республикаси Президентининг 2022 йил 11 майдаги “Давлат бошқаруви соҳасида коррупциявий хавф-хатарларни бартараф этиш механизмларини такомиллаштириш ва ушбу соҳада жамоатчилик иштирокини кенгайтириш чора-тадбирлари тўғрисида”ги ПҚ-240-сон қарорининг ижросини таъминлаш мақсадида,

**БУЮРАМАН:**

1. Ўрмон хўжалиги давлат қўмитаси фаолиятида коррупциявий хавф-хатарларни аниқлаш ва баҳолаш Тартиби иловага мувофиқ тасдиқлансин.

2. Қўмита марказий аппаратининг барча бўлинмалар бошлиқларига:

-мазкур буйруқ билан барча ходимлар таништирилиб, тасдиқланган меъёрий ҳужжатларда белгилаб қўйилган тартибларга амал қилинишини, бўлинмаларга тегишли вазифаларни белгиланган тартибда бажарилишини таъминласинлар.

3. Қўмитанинг тизим ташкилотлари, ҳудудий бошқармалар ва хўжаликлар раҳбарларига:

-ушбу буйруқ билан барча ходимлар таништирилиб, ижросини таъминлаш бўйича тегишли ички буйруқларни қабул қилсинлар;

-мазкур буйруқнинг ижроси бўйича ҳар чорак якуни билан, кейинги ойнинг 5-санасига қадар Қўмитанинг Коррупцияга қарши комплаенс назорат бўлимига ёзма маълумот тақдим этиб борилишини таъминласинлар.

4. Девонхона (Очилов) ушбу буйруқ нусхасини қўмитанинг марказий аппарати бўлинмаларига ҳамда барча тизим ташкилотлари, ҳудудий бошқармалар ва хўжаликларга юборилишини таъминласин.

5. Ўрмон хўжалиги давлат қўмитасининг 2021 йил 29 декабрдаги 219-сонли буйруғининг 5-илоvasи ўз кучини йўқотган деб ҳисоблансин.

6. Мазкур буйруқнинг ижросини назорат қилиш раис ўринбосари Ш.Усмонов зиммасига юклатилсин.

Раис



Н. Бакиров

**Ўрмон хўжалиги давлат қўмитаси фаолиятида  
коррупциявий хавф-хатарларни аниқлаш ва баҳолаш  
ТАРТИБИ**

Мазкур Тартиб Ўрмон хўжалиги давлат қўмитаси, шу жумладан унинг тизимига кирувчи барча таркибий ва ҳудудий бўлинмалар (*бундан буён матнда тизим ташилотлари деб юритилади*) фаолиятида коррупциявий хавф-хатарларни аниқлаш ва баҳолаш тартибини белгилайди.

**1-боб. Умумий қоидалар**

1. Ўрмон хўжалиги давлат қўмитаси фаолиятидаги коррупциявий хавф-хатарларни аниқлаш ва баҳолашнинг мақсадлари қуйидагилардан иборат:

Ўрмон хўжалиги давлат қўмитасининг коррупциявий хавф-хатарга энг кўп дуч келадиган вазифа ва функцияларини аниқлаш ҳамда коррупциявий хавф-хатар юқори бўлган лавозимлар рўйхатини шакллантириш;

коррупциявий хавф-хатарларни бартараф этиш бўйича чоратadbирларни ишлаб чиқиш.

2. Коррупциявий хавф-хатарларни аниқлаш ва баҳолаш қуйидагилар ишлаб чиқилишини назарда тутди:

коррупциявий хавф-хатарлар харитаси;

коррупцияга қарши курашиш бўйича дастур;

коррупциявий хавф-хатар юқори бўлган лавозимлар рўйхати;

коррупцияга мойил бўлган муносабатлар электрон реестри.

Ушбу Тартибда қуйидаги асосий тушунчалар қўлланилади:

**коррупциявий хавф-хатар** – шахсинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равишда мавжуд сабаб ва шароитларда коррупциявий хатти- ҳаракатларни содир этиш эҳтимоли;

**коррупциявий хавф-хатарлар харитаси** – Ўрмон хўжалиги давлат қўмитаси фаолиятида амалга ошириладиган вазифа ва функциялар (жараёнлар) билан боғлиқ юзага келиши мумкин бўлган коррупциявий хавф-хатарнинг тавсифи ва даражаси, функцияларни (жараёнларни) тартибга солувчи механизмлар, функцияларни (жараёнларни) амалга оширишга



масъул бўлган лавозим, коррупциявий хавф-хатарларни бартараф этиш чоралари, қолдиқ коррупциявий хавф-хатар даражаси, коррупциявий хавф-хатарни бартараф этиш чораларини амалга оширишга масъул ижрочиларни ўз ичига олган ҳужжат;

**коррупцияга оид ҳуқуқбузарлик** – коррупция аломатларига эга бўлган, содир этилганлиги учун қонунчиликда жавобгарлик назарда тутилган қилмиш;

**коррупциявий хавф-хатарларни баҳолаш** – Ўрмон хўжалиги давлат кўмитасининг фаолиятини (вазифа ва функцияларини) таҳлил қилиш, мавжуд коррупциявий хавф-хатарларни аниқлаш ва ушбу хавф-хатарлар даражасини баҳолаш бўйича фаолият;

**қолдиқ хавф-хатар** – аниқланган коррупциявий хавф-хатарни бартараф этиш юзасидан белгиланган чорадан кейин сақланиб қоладиган хавф-хатар;

**махсус бўлинма** – Ўрмон хўжалиги давлат кўмитасидаги коррупцияга қарши комплаенс назорат бўлими;

**ишчи гуруҳ** – коррупцияга қарши ички назорат тузилмалари мавжуд бўлмаган давлат ташкилотларида коррупциявий хавф-хатарларни баҳолаш учун тузиладиган ходимлар таркиби.

4. Ўрмон хўжалиги давлат кўмитаси томонидан коррупциявий хавф-хатарларни баҳолаш ҳар йили **1 мартга** қадар амалга оширилади.

5. Ўзбекистон Республикаси Коррупцияга қарши курашиш агентлиги томонидан (бундан буён матнда Агентлик деб юритилади) давлат ташкилотларининг коррупциявий хавф-хатарларни баҳолаш ва бартараф этиш борасидаги фаолиятини такомиллаштириш, ушбу йўналишда камчиликларни олдини олиш бўйича кўрсатмалар берилиши мумкин.

## **2-боб. Коррупциявий хавф-хатарларни аниқлаш ва баҳолашни ташкил этиш**

6. Коррупциявий хавф-хатарларни аниқлаш ва баҳолаш Ўрмон хўжалиги давлат кўмитаси тизимида кирувчи барча таркибий ва ҳудудий бўлинмаларни қамраб олиши лозим.

Бунда, коррупциявий хавф-хатарларни аниқлаш ва баҳолаш махсус бўлинма ёки ишчи гуруҳ томонидан амалга оширилади.

7. Ишчи гуруҳ аъзолари Ўрмон хўжалиги давлат кўмитасининг таркибий бўлинмалари раҳбарларидан иборат таркибда ташкил этилади.

Ўрмон хўжалиги давлат кўмитаси (ёки тизим ташкилоти)нинг биринчи раҳбари томонидан ишчи гуруҳ таркиби тасдиқланади ҳамда унинг фаолияти мувофиқлаштирилади.

8. Коррупциявий хавф-хатарларни аниқлаш ва баҳолашда Ўрмон хўжалиги давлат қўмитаси марказий аппаратининг Комплаенс назорат бўлими (ишчи гуруҳ) томонидан қуйидаги вазифалар амалга оширилади:

коррупциявий хавф-хатарларни аниқлаш ва баҳолаш бўйича ишларни ташкил этиш ва мувофиқлаштириш;

Ўрмон хўжалиги давлат қўмитасининг коррупциявий хавф-хатарлар харитасини ишлаб чиқиш;

Ўрмон хўжалиги давлат қўмитасининг коррупцияга қарши курашиш бўйича дастур лойиҳасини ишлаб чиқиш;

Ўрмон хўжалиги давлат қўмитасининг тизим ташкилотлари томонидан ишлаб чиқилган коррупциявий хавф-хатарлар харитаси ва коррупцияга қарши курашиш бўйича дастур лойиҳаларини кўриб чиқиш ва уларни такомиллаштириш юзасидан таклифлар бериш;

Агентлик ва жамоатчилик томонидан берилган таклифлар асосида Ўрмон хўжалиги давлат қўмитасининг коррупциявий хавф-хатарлар харитасини ва коррупцияга қарши курашиш бўйича дастур лойиҳасини такомиллаштириш.

9. Ўрмон хўжалиги давлат қўмитасининг тизим ташкилотларидаги махсус бўлинма (ишчи гуруҳ) қуйидаги вазифаларни амалга оширади:

коррупциявий хавф-хатарларни аниқлаш ва баҳолаш ишларини ташкил этиш;

коррупциявий хавф-хатарлар харитасини ва коррупцияга қарши курашиш бўйича дастур лойиҳаларини ишлаб чиқиш.

### **3-боб. Коррупциявий хавф-хатарларни аниқлаш ва баҳолаш тартиби**

10. Махсус бўлинма (ишчи гуруҳ) томонидан Ўрмон хўжалиги давлат қўмитаси фаолиятининг (вазифа ва функцияларининг) тавсифи ушбу Тартибнинг 1-иловасига мувофиқ шаклда тузилади.

11. Ўрмон хўжалиги давлат қўмитаси фаолиятидаги (вазифа ва функциялардаги) коррупциявий хавф-хатарлар ички ва ташқи ахборот манбалари асосида аниқланади.

12. Ички ахборот манбалари қуйидагилардан иборат:

Ўрмон хўжалиги давлат қўмитаси фаолиятининг (вазифа ва функцияларининг) ҳуқуқий асоси;

ички текширув материаллари, шу жумладан хизмат текшируви материаллари;

одоб-ахлоқ комиссияси мажлисларининг йиғилиш баённомалари;

коррупцияга қарши курашиш ишларининг мониторинг натижалари;



махсус бўлинма (ишчи гуруҳ) томонидан Қўмита ва тизим ташкилотлари фаолияти (вазифа ва функциялари) юзасидан ўтказилган сўровномалар, шу жумладан социологик тадқиқотлар натижалари ва бошқалар.

13. Ташқи ахборот манбалари қуйидагилардан иборат:

Ўрмон хўжалиги давлат қўмитаси фаолияти тўғрисидаги ҳуқуқбузарликлар ҳақидадаги мурожаатлар (хабарлар) ва статистик маълумотлар;

Агентлик ёки бошқа давлат ташкилотлари томонидан Ўрмон хўжалиги давлат қўмитаси фаолияти (вазифа ва функциялари) юзасидан ўтказилган сўровномалар, шу жумладан социологик тадқиқотлар натижалари;

ҳуқуқни муҳофаза қилувчи органлар томонидан тақдим этилган материаллар ва бошқалар.

14. Махсус бўлинма (ишчи гуруҳ) томонидан Ўрмон хўжалиги давлат қўмитаси фаолиятидаги (вазифа ва функцияларидаги) коррупциявий хавф-хатарларни аниқлашда қуйидаги ҳолатлар таҳлил қилиниши лозим:

Ўрмон хўжалиги давлат қўмитасининг ходими томонидан содир этилган коррупцияга оид ҳуқуқбузарлик;

Ўрмон хўжалиги давлат қўмитаси томонидан фаолиятини (вазифа ва функцияларини) амалга оширишда жисмоний ва юридик шахслар учун сунъий тўсиқларнинг мавжудлиги;

ўз вақтида қарор қабул қилмаслик, асоссиз, тезкор тартибда қарор қабул қилиш;

ҳужжатлар, электрон маълумотлар базаларига била туриб ёлғон маълумотларнинг киритилиши;

хизмат ваколатларини амалга оширишда манфаатлар тўқнашуви;

ваколатларни амалга оширишда маҳаллийчилик, ҳомийлик, уруғ-аймоқчилик каби ҳолатларнинг мавжудлиги.

15. Ўрмон хўжалиги давлат қўмитаси фаолиятидаги (вазифа ва функцияларидаги) коррупциявий хавф-хатарларнинг даражаси қуйидаги ўлчовларда баҳоланади:

паст;

ўрта;

юқори.

16. Махсус бўлинма (ишчи гуруҳ) томонидан коррупциявий хавф-хатар даражасига баҳо бериш мазкур Тартибнинг 2-иловасидаги мезонлар асосида амалга оширилади.

#### 4-боб. Коррупциявий хавф-хатарларнинг даражасини бартараф этиш чоралари

17. Коррупциявий хавф-хатарларни бартараф этиш чоралари қуйидаги шаклларда амалга оширилиши мумкин:

норматив-ҳуқуқий ҳужжатлар ҳамда ички идоравий ҳужжатлар лойиҳаларини ишлаб чиқиш;

инсон омилини қисқартириш ва Ўрмон хўжалиги давлат қўмитаси фаолиятини (вазифа ва функцияларини) рақамлаштириш, шаффофликни таъминлаш, жамоатчилик назоратини йўлга қўйиш;

Ўрмон хўжалиги давлат қўмитаси фаолиятини (вазифа ва функцияларини) тартибга солиш чораларини кўриш;

Ўрмон хўжалиги давлат қўмитаси ходимлари ва жисмоний шахслар ўртасида тўғридан-тўғри алоқани максимал даражада чеклаш;

расмий веб-сайт ва бошқа оммавий ахборот воситаларида Ўрмон хўжалиги давлат қўмитаси томонидан амалга оширилаётган давлат харидлари тўғрисидаги маълумотларни жойлаштириш ва тарқатиш;

давлат хизматларини кўрсатиш жараёнини соддалаштириш, асоссиз чекловларни, ортиқча маъмурий тартиб-таомилларни бекор қилиш, бюрократик тартибга солиш механизмларини йўқ қилиш, тақдим этилган ҳужжатлар сони ва қарор қабул қилиш муддатларини қисқартириш;

Ўрмон хўжалиги давлат қўмитаси томонидан коррупцияга қарши курашишга қаратилган тушунтириш ишларини амалга ошириш, профилактик суҳбатлар ўтказиш, ишонч телефонлари ва алоқа каналларида тарғибот ишларини амалга ошириш;

ходимларнинг коррупцияга қарши курашиш ва манфаатлар тўқнашувини бошқариш бўйича ички ҳужжатларга ҳар куни, ўзаро ва тўлиқ риоя қилишларини назорат қилиш.

Ўрмон хўжалиги давлат қўмитаси коррупциявий хавф-хатарларни бартараф этиш бўйича қонунчилик ҳужжатларига зид бўлмаган бошқа чоратadbирларни ҳам амалга ошириши мумкин.

18. Коррупциявий хавф-хатарларни бартараф этиш бўйича мазкур Тартибнинг 16-бандида белгиланган чоралардан келиб чиқиб, қолдиқ хавф-хатар даражасини баҳолаш мазкур Тартибнинг 2-иловасидаги мезонлар асосида амалга оширилади.

19. Ўрмон хўжалиги давлат қўмитаси марказий аппаратининг Комплаенс назорат бўлими томонидан мазкур Тартибнинг 3-иловасига мувофиқ шаклда марказий аппаратнинг коррупциявий хавф-хатарлар харитаси лойиҳаси ишлаб чиқилади.

20. Ўрмон хўжалиги давлат қўмитасининг тизим ташкилотлари томонидан ушбу Тартибнинг 3-иловасига мувофиқ шаклда коррупциявий хавф-хатарлар харита лойиҳалари ва мазкур Тартибнинг 4-иловасига



мувофиқ шаклда коррупцияга қарши курашиш бўйича дастур лойиҳалари ишлаб чиқилади.

Бунда, мазкур лойиҳалар Ўрмон хўжалиги давлат қўмитаси марказий аппаратининг Комплаенс назорат бўлими (ишчи гуруҳига)га умумлаштириш учун тақдим қилинади.

21. Ўрмон хўжалиги давлат қўмитаси марказий аппаратининг Комплаенс назорат бўлими (ишчи гуруҳи) томонидан Қўмита фаолиятидаги (вазифа ва функцияларидаги) коррупциявий хавф-хатарларни аниқлаш ва баҳолаш натижалари асосида Қўмитанинг умумлаштирилган коррупциявий хавф-хатарлар харитаси ишлаб чиқилади ва “E-anticor.uz” электрон платформасига ҳар йили 1 февралга қадар киритилади.

22. Ўрмон хўжалиги давлат қўмитаси марказий аппаратининг Комплаенс назорат бўлими (ишчи гуруҳи) томонидан “E-anticor.uz” электрон платформасида жойлаштирилган коррупциявий хавф-хатарлар харитасига асосан автоматик равишда қуйидаги ҳужжатлар шакллантирилади:

Ўрмон хўжалиги давлат қўмитасининг коррупцияга қарши курашиш бўйича дастури;

Ўрмон хўжалиги давлат қўмитасининг коррупциявий хавф-хатари юқори бўлган лавозимлари рўйхати.

#### **5-боб. Коррупцияга мойил бўлган муносабатлар электрон реестрини шакллантириш ва юритиш тартиби**

23. Агентлик томонидан “E-anticor.uz” электрон платформасида жойлаштирилган давлат ташкилотларининг коррупциявий хавф-хатарлар харита лойиҳалари асосида автоматик равишда коррупцияга мойил бўлган муносабатлар электрон реестри шакллантирилади.

24. Коррупцияга мойил бўлган муносабатлар электрон реестри лойиҳаси Агентлик томонидан жамоатчилик муҳокамасидан ўтказиш учун ўн беш кундан кам бўлмаган муддатга “E- anticor.uz” веб-сайтига жойлаштирилади.

25.Агентлик жамоатчилик муҳокамаси натижалари бўйича умумлаштирилган таклифларни муҳокама яқунланган кундан бошлаб ўн кун ичида “E-anticor.uz” электрон платформаси орқали Ўрмон хўжалиги давлат қўмитасига юборади.

26. Ўрмон хўжалиги давлат қўмитасининг Комплаенс назорат бўлими (ишчи гуруҳи) Агентлик ва жамоатчилик томонидан берилган таклифлар асосида Қўмитанинг коррупциявий хавф-хатарлар харитаси ҳамда коррупцияга қарши курашиш бўйича дастури лойиҳаларини такомиллаштиради.



27. Ўрмон хўжалиги давлат қўмитасининг биринчи раҳбари ҳар йили 1 мартга қадар коррупциявий хавф-хатарлар харитаси ҳамда коррупцияга қарши курашиш бўйича дастурини “E-anticor.uz” электрон платформаси орқали тасдиқлайди.

#### **6-боб. Яқуний қоидалар**

28. Мазкур Тартиб талаблари бузилишида айбдор бўлган шахслар қонунчилик ҳужжатларида белгиланган тартибда жавобгар бўлади.





Коррупциявий хавф-хатар даражасига баҳо бериш бўйича  
**МЕЗОНЛАР**

Коррупциявий хавф-хатар даражаси	<p><b>Мезонлар</b></p> <p>давлат ташкилотининг фаолияти (вазифа ва функцияси) автоматлаштирилмаган</p> <p>давлат ташкилотининг фаолияти (вазифа ва функцияси) тартибга солилмаган</p> <p>назоратсиз тартибда иш жойида жисмоний ёки юридик шахслар билан тўғридан-тўғри алоқа қилиш имконияти мавжуд</p> <p>давлат ташкилотининг фаолияти (вазифа ва функцияси) доирасида қарорни лойиҳасини тайёрлашда, кўриб чиқишда ва қабул қилишда бир шахс иштирок этиши</p> <p>давлат ташкилотининг фаолиятини (вазифа ва функциясини) бажаришда коррупциявий хатти-ҳаракат содир этилган (жидиёт содир этилганлиги суд томонидан тасдиқланган)</p>
Коррупциявий хавф-хатар даражаси	<p><b>Мезонлар</b></p> <p>давлат ташкилотининг фаолияти (вазифа ва функцияси) қисман автоматлаштирилган</p> <p>давлат ташкилотининг фаолияти (вазифа ва функцияси) қисман тартибга солинган</p> <p>назорат тартибда иш жойида жисмоний ёки юридик шахслар билан тўғридан-тўғри алоқа қилиш имконияти мавжуд</p> <p>давлат ташкилотининг фаолиятини (вазифа ва функциясини) доирасида қарорни лойиҳасини тайёрлашда, кўриб чиқишда ва қабул қилишда иккита шахс иштирок этиши</p> <p>давлат ташкилотининг фаолияти (вазифа ва функцияси) бажаришда коррупциявий хатти-ҳаракат содир этилганлиги тўғрисидаги маълумот мавжуд (жидиёт содир этилганлиги суд томонидан тасдиқланмаган)</p> <p>давлат ташкилотининг фаолияти (вазифа ва функцияси) тўлиқ автоматлаштирилган</p> <p>давлат ташкилотининг фаолияти (вазифа ва функцияси) тўлиқ тартибга солинган</p> <p>жисмоний ёки юридик шахслар билан тўғридан-тўғри алоқа қилиш имконияти мавжуд эмас</p> <p>давлат ташкилотининг фаолияти (вазифа ва функцияси) доирасида қарорни лойиҳасини тайёрлашда, кўриб чиқишда ва қабул қилишда уч ва undan ortiq шахс иштирок этиши</p> <p>коррупциявий хатти-ҳаракат ва коррупциявий хатти-ҳаракат содир этилганлиги тўғрисидаги маълумот мавжуд эмас</p>
Даст**	<p>давлат ташкилотининг фаолияти (вазифа ва функцияси) аниқланган хавф-хатарнинг юқори ёки ўрта даражада деб баҳолаш</p>

\*Махсус бўлишма (ишчи гуруҳ) томонидан давлат ташкилотининг фаолиятида (вазифа ва функциясида) аниқланган хавф-хатарнинг юқори ёки ўрта даражада деб баҳолаш давлат ташкилоти раҳбари билан келишган ҳолда амалга оширилади.

\*\* Давлат ташкилотининг фаолиятида (вазифа ва функциясида) аниқланган коррупциявий хавф-хатар даражасини баҳолашда, агарда даст даражадаги мезонларнинг бири мавжуд бўлса, ўша коррупциявий хавф-хатар даражаси даст даражада деб баҳоланади.

Коррупциявий хавф-хатарларни аниқлаш ва  
 баҳолаш Тартибига  
**3-ИЛОВА**

“ТАСЏИҚЛАЙМАН”  
 Таркибий бўлима раҳбари

Ф.И.О. \_\_\_\_\_  
 \_\_\_\_\_ йил

**Ўрмон хўжалиги давлат қўмитаси фаолиятидаги коррупциявий хавф-хатарларнинг ХАРИТАСИ**

Т/р	Коррупциявий хавф-хатарларнинг тавсифи	Коррупциявий хавф-хатарларнинг даражаси (паст, ўрта, юқори)	Функцияларни (жараёнларни) амалга оширишга масъул бўлган лавозим	Функцияларни (жараёнларни) тартибга солиувчи механизм	Коррупциявий хавф-хатарларнинг хатарларни баҳараф этиши чоралари	Қолдир хавф-хатар даражаси (паст, ўрта, юқори)	Масъул шахслар
1. Таркибий бўлимнинг номи*							
1. Давлат ташкилоти функцияси номи							
1. Функцияга оид муносабат номи							
1. Жараён номи							
2. Жараён номи							
2. Таркибий бўлимнинг номи*							
1. Давлат ташкилоти функцияси номи							
1. Функцияга оид муносабат номи							
1. Жараён номи							
2. Жараён номи							



Коррупциявий хавф-хатарларни аниқлаш ва  
баҳолаш Тартибига

4-ИЛОВА

Ўзбекистон Республикаси Давлат Кўмитасининг коррупцияга қарши куралиши ДАСТУРИ

№	Коррупциявий хавф-хатарларнинг баҳолаш этили чора-тадбирлари	Амалга ошириш механизми	Ижро муддати	Ижро учун масъуллар